

2024 caah siangniam sianginn ah minpeknak

Sianginn thawknak cu ngakchia, hringtu le zohkhenhtu hna caah lungthinhawhternak caan asi. Minpeknak tuahnak cu a fawi khawh chung in na caah bawmh kan in duh.

Victoria ah, na fa nih *Fimcawwnak le Cawnpiaknak Remhthanmi Phung 2006* tangah a ummi an thimmi innpa sianginn (na tualchung sianginn) kai dingah covo a ngeih.

Na tualchung sianginn asi lomi sianginn ah hmunhma zong na sok khawh. Sianginn nih Chiahnak Polisi zulh in na soknak kha an ruahpiak lai. Chiahnak Polisi he pehtlai in tamdeuh theihhngalhnak caah, [Sianginn ah minpeknak](#) cahmai kha zoh.



Ahrampi (Timtuahnak) caah athar state huap caan khiahmi

Siangniam sianginn i a kum khatnak cu Ahrampi asiloah timhtuahnak tiah auh/kawh asi. Victorian cozah siangniam sianginn dihlak zulhdng caah athar Ahrampi minpeknak caan khiahmi kan chuah (cahmai 3 kha zoh) Caan khiahmi nih 2024 sianginn kum caah Ahrampi ah na fa minpek caan le ningcang hngalh bawmh kha a tinhmi asi.

Zeitik ah dah ka fa cu siangniam sianginn i an kum khatnak ah min Ka pek awk asi?

Na fa sianginn an thawk kum i 30 April ah kum 5 a tlingmi asi hrimhrim awk asi.

Kum 6 a tling cangmi ngkachia caah sianginn kai cu tuah lo khawh lomi thil asi.

2024 sianginn kum caah Victorian cozah siangniam sianginn ah na fa minpek dingah, a tlai bik 28 July 2023 ah sianginn ah minpeknak soknak cu ap.

Zeitin dah ka fa cu siangniam sianginn i an kum khatnak ah min Ka pek hnga?

Siangniam sianginn i an kum khatnak ah na fa minpek dingah hi a dotdot hna hi tuah:

1. Find my School website (atang kha zoh) ah na tualchung sianginn kha kawl.
2. Sianginn lennak caah ahlanken in minpek dingah asiloah sianginn le minpeknak soknak tuahnak kong tamdeuh theihhngalh dingah cozah siangniam sianginn kha pehtlai.
3. [Ahrampi ah Minpeknak \(Timhtuahnak\)](#) (24 April 2023 in a ngah) in Ahrampi (Timhtuahnak) minpeknak theihhngalhnak ca kha download tuah.
4. Ahrampi caah minpeknak soknak cu **a tlaibik Ningani 28 July 2023 ah ap.**
5. Na soknak aphichuak cu **a tlaibik Ningani 11 August 2023 ah theihter na si lai.** Chiahnak peknak na hmuh ahcun, peknak cu **a tlaibik Ningani 25 August 2023 ah na cohlan awk asi.**
6. **Term 4 2023 chungah** minpeknak theihhngalhnak le thialnak caan hna ah i tel.
7. Na fa nih Ahrampi kha **Nihnihni 30 January 2024** in a thawk lai.

Ka tualchung sianginn cu zeitin dah Ka hmuh hnga?

Na tualchung sianginn cu atanglei a dotdot hna zuluh in Find my School website ah kawli:

1. Na browser findmyschool.vic.gov.au ah lut.
2. 'Thawk nakding ah na umnak hmun ah lut' timi tangah azungzal na umnak hmun ah lut.
3. 'Minpeknak kum' tangah 2024 kha thim. **Chinchiahnak2024** sianginn hmun cu hnudeuh Term 1, 2023 ah a ngah lai.
4. 'Sianginn phun' tangah Siangniam kha thim.

Khuaram hmanthlak nih na umnak hmun, na tualchung sianginn hna kha sianginn caah kehlei i a ummi pehtlaihna dikthlir hna ah a hmuhsak lai. Tanglei ah na kau ahcun, na umnak hmun leiah a naihnik sianginn panga zong an hmuhsak lai.

'Sianginn kawli' tangah sianginn min zong in na kawli khawh.

Ka fa nih kan tualchung asi lomi cozah siangniam sianginn a sok kho hnga maw?

Sok kho, na tualchung sianginn leng sianginn dang zong na sok khawh. Sianginn na sonak sohluah cu Chiahnak polasi le a ngahmi hmunhna zuluh in an ruahpiak lai. [Sianginn ah minpeknak](#) cahmai ah zeitin tluk in dah soknak hna cu papek an si timi kongah theihhngalhnak na hmuh khawh.

Ka minpeknak soknak a tlamtinglo timi cakuat ka hmuh ahcun zeidah a cang hnga?

Sianginn dang ah na fa cu minpek dingah na sok awk asi. Na fa cu an tualchung sianginn ah hmunhna amahkhaan piak asi. Na fa tualchung sianginn cu azungzal an umnak hmun hmun hrampi ah hngat in khiah asi. Na fa tualchung sianginn fiang tein hngalhnak dingah [Find my School](#) kha zoh. [Sianginn ah minpeknak](#) cahmai zong nih minpeknak caah na fa umnak hmun fehter an bawmh khawh.

Biakhiahnak zong na azukhannak na tuah khawh. [Ahrampi ah Minpeknak \(Timhtuahnak\)](#) cahmai ah minpeknak soknak phichuak he pehtlain theihhngalhnak a um

Minpeknak caankhiahmi ka Tloh soal ahcun zeidah a cang hnga?

2024 sianginn kum caah na fa cu Ahrampi kai dingin Term 2, 2023 in zeitik caan paoh ah minpek dingah na sok khawh.

Atlaibik Ningani 28 July 2023 ah minpeknak soknak ap dingah fial na si tikah, hi nithla hnu i minpeknak caankhiahmi a tlohmi innchungkhar hna, azungzal umnak a thialmi asiloah Victoria ah a phan tharmi hna sinin soknak cu cohlan khawh asi rih lai.

28 July 2023 hnu i apmi minpeknak soknak cu sianginn nih hmuh an si tikah Chiahnak Polasi department ning in a tuah lai.

Khoika ah dah siangniam sianginn ah minpeknak he pehtlai in theihhngalhnak Ka hmuh khawh hnga?

Ahrampi minpeknak tuahnak he pehtlai in thukdeuh theihhngalhnak caah na tualchung siangniam sianginn kha na hal khawh.

Term 2, 2023 thawk ah, Sianginn Thawknak Ahrampi (Timhtuahnaknak) cahmai i [Minpeknak he pehtlai in Ahrampi minpeknak tuahnak](#) ah theihhngalhnak ca zong na hmuh khawh.

Theihhngalhnak ca lehnak bawmh na herh ahcun, zaangfahnak in bawmhna caah na tualchung siangniam sianginn kha chawn.

Bawmhnak caah ho dah ka pehtlaih hnga?

Thialkarnak Tawliretu, Minpeknak Zunguk asiloah sok na duhmi siangniam sianginn nih minpeknak tuahnak kongah na ngeih khawhmi biahlnak pakhatkhat kongah an bawmh khawh.

Athahnemmi link hna

2024 ah na fa nih siangniam sianginn a thawk tikah na caah bawmtu thil asimi a thahnemmi link hna kha atang ah zaangfahnak in zoh:

Ka Sianginn Kawl – findmyschool.vic.gov.au

Sianginn hmun hna he pehtlai in theihhngalhnak – vic.gov.au/school-zones

Ahrampi ah Minpeknak (Timhtuahnak) – vic.gov.au/enrolling-foundation-prep

Sianginn ah Minpeknak – vic.gov.au/how-choose-school-and-enrol

Pumtlinlonak le telhchihmi fimcawnnak – vic.gov.au/disability-and-inclusive-education

Ramri lei zung pehtlaihnak – vic.gov.au/office-locations-department-education-and-training

2023-24 caah Caankhiahmi

2023 Nithla hna	Cawlcanghnak
Term 2: Nikhatni 24 April 2023 – Ningani 23 June 2023	
Terms 1 le 2, 2023	2024 caah Ahrampi (Timhtuahnak) minpeknak a kawlmni innchungkhar hna caah Siangniam sianginn khaulawlnnak, theihngalhnak caan le adang cawlcanghnak hna a tuah.
Term 2, 2023 Thawk ah	2024 sianginn kum caah sianginn hmunhna hna cu findmyschool.vic.gov.au ah zoh. Hringtu/ zohkhenhtu nih 2024 caah an hmuhsakmi innpa siangin hngalh dingah findmyschool.vic.gov.au kha an zoh awk asi. Hringtu/Zohkhenhtu hna caah Minpeknak Theihngalhnak Ca cu Ahrampi ah Minpeknak (Timhtuahnak) in download tuah a ngah.
Zarh 1, Term 2 2023 in	Siangniam sianginn hna nih ruahchanmi innchungkhar hna le an sianginn zatlangbu hna sinah Minpeknak Theihngalhnak Ca hna kha a phawtzamh khawh.
Zarh 1, Term 2, 2023	Minpeknak soknak onnak – hringtu/zohkhenhtu hna nih an lim cangmi minpeknak soknak kha hi nithla in cozah siangniam sianginn ah an ap khawh.
Term 3: Nikhatni 10 July 2023 – Ningani 15 September 2023	
Ningani 28 July 2023 in	Minpeknak soknak ap cutnak – hringtu/zohkhenhtu hna nih an lim cangmi minpeknak soknak kha hi nithla in cozah siangniam sianginn ah an ap khawh.
Ningani 11 August 2023 in	Siangniam sianginn hna nih hringtu/zohkhenhtu hna kha catial in Ahrampi (timhtuahnak) minpeknak phichuak hna cu, Chiahnak Polisi department tangah ‘ Chiahnak Papeknak Ningcang’ khat in a theihter hna. Hi nih minpeknak, peknak cakuat asiloah a tlamtlinglomi soknak cakuat hna a fehtermi cakuat a telhchih. Hringtu/zohkhenhtu hna nih kuatmi a tlamtlinglomi soknak cakuat cu an duhdeuhmi siangniam sianginn ah chiahnak-silomi azukhaannak tialmi hna kha ap khawh asi.
Ningani 25 August 2023 in	Hringtu/zohkhenhtu hna nih an kuatmi cakuat peknak nih hi nithla in an fa hmunhna cohlannak kha a sawh duh.
Ningani 25 August 2023	Hringtu/zohkhenhtu hna nih an duhdeuhmi siangniam sianginn he chiahnak-silomi azukhaannak tialmi apnak caah khar nithla[
Ningani 15 September 2023	Siangniam sianginn hna nih hringtu/zohkhenhtu dihlak hna kha, catial in, hi nithla ah an chiahnak-silomi azukhaannak phichuak a theihter hna.
Term 4: Nikhatni 2 October 2023 – Nithumni 20 December 2023	
Term 4, 2023 chung	Siangniam sianginn hna nih thialnak caan hmannak an tuah.
Ningani 20 October 2023	Atlakmi Ramri lei Director, an duhdeuhmi siangniam sianginn ah an zukhaannak he an tlamtlinglonak hmun ah, tialmi chiahnak azukhaannak ap dingah Hringtu/zohkhenhtu hna caah kharnak nithla.
Ningani 17 November 2023 in	Hmun hna nih hringtu/zohkhenhtu dihlak hna cu catial in hi nithla ah Ramri lei Director chiahnak-silomi azukhaannak phichuak hna kha a theihter hna. Ningani 20 October 2023 kharnak nithla tiang lawng hmuhmi azukhaannak cu ruahpiak khawh asi.